



JAJOTOPA ÑANDEJÁRA NDIVE MAITEI OÚVAPE – SALUDO.

Mba'éichapa peime joaite che irũnguéra. Hyakuãma mbokaja poty ñande pesébrepe. Ñamo'aguĩ mbaitéma hína Navida, Niño ára. Iporãite ñambohape oñondive pe Ñandejára jeju, toguahẽ ñande apytépe, tomongakuaa ñande jerovia ha tañanemombarete mborayhúpe. Tajaguata kyre'ỹ oñondive.

ORACIÓN COLECTA

Tupã Ñandejára ore Ru, remoirũva py'a porãme ne retãyguápe oha'ãröva hína jeroviapópe nde Ra'ý jeju yypóraramo, ore pytyvõ roguero hory haguã ijeju ha torohupyty vy'apave ome'ẽva oréve ipysyrõ. Nde Ra'ý Hesukrístico rupive, Tupã Ñandejaraite, oikovéva ha ipu'akapáva nendive Espíritu Santo ñemopeteĩme, yma, ko'ãga ha opa araité.

ÑAHENDU ÑANDEJÁRAPE –

MOTIVACIÓN A LECTURAS.

Profeta Isaías he'i Ñandejára ou vove ombopyahu paitéta ñane rekove. Salmo pe katu jeguerohory Ñandejárape omohenda porãva ñandéve opa mba'e vai. San Pablo ñanemokyre'ỹ ñaha'arõ kuaa haguã Ñandejárape upe oñemitỹva oha'arõ háicha ama. Hesu katu he'i ñandéve ñama'ẽ ha jahechakuaa haguã mba'éichapa ko'ãga ave Ñandejára omba'apo hína ñandeapytépe yma guaréicha.

PRIMERA LECTURA:

**KO'ÁGÄ ÑAHENDÚTA TUPÄ ÑANDEJÁRA ÑE'Ë
ISAÍAS ARANDUKÁPE OÍ HÁICHA 35,1-6A.10**

Tahory yvy ojeiko'ýha ha yvy iñapekãmbáva, to vy'a ha ta ipoty yvy perõ!
Ta henyhẽ yvotygui, ta hory, to sapukái vy'águi!

Ichupe oñeme'ẽ Líbano reko mimbi, Carmelo ha Sarón reko jegua. Ha'ekuéra ohechata Tupã Ñandejára omimbipávape, Tupãme ojajaipávape ohecháta.

Pemombarete ikangývape, pemokyre'ỹ ikane'õvape. Peje oje py'apývape: "Néike, ani pekyhyje!

Ápe oũ pene Tupã, ou omoengoviávo pende rehe ija'e'ývape ha'ete voi ou pende pe'ávo jejopy vaígui".

Upe ramo umi ohecha'ýva ohecháta, ha umi ohendu'ýva ohendúta. ijapáva, guasúicha oñaníta ha iñe'engúva vy'águi osapukáita.

Ou jevýta umi Tupã Ñandejára oipysyröva; ha oikéta Siónpe sapukái ha vy'a pópe, ombojevogui ichupekuéra vy'a ijapyra'ýva. Vy'a ha tory omoirúta ichupekuéra, ha mombyry opytáta pyahẽ ha vy'a'ý.

Tupã Ñandejára Ñe'ë.

SALMO ÑEMBOHOVÁI 146, 6-10

R. TUPÄ ÑANDEJÁRA, EJU ORE SALVA.

Tupã Ñandejára niko nopyrüi va'ekue iñe'ë rehe, uvei ojejopy vaíva ykẽ rehe, omongaru iñembyahývape. Nandejára opoiuka umi iñapytĩmbýpe ojejuerekóva.
R.

Ñandejára omonguera umi ohecha'ývape ha ohecha jeyy, Nandejára omopu'ã umi ikangývape. Nandejára ohayhu umi heko jojávape, Ñandejára oñangareko umi mombyryguare . **R.**

Ityre'y ha iména manóvape ha'e oipytyvõ. Heko vaíva rape katu ombotyai. Tupä Nandejára niko mburuvicha guasu tapiate guarã. Oisãmbyhy Sión, nde Tupä opaite árape. **R.**

SEGUNDA LECTURA:

KO'ÁGÄ ÑAHENDÚTA TUPÄ ÑANDEJÁRA ÑE'Ë SANTIAGO KUATIAÑE'ËME OÍ HÁICHA. 5,7-10

Upéva rehe, che pehënguekuéra, peha'arõ kuaa ou peve Nandejára Jesucrísto. Pema'emína mba'éichapa umi oñemityva oha'arõ kuaa ama, upéi omono'õ haguã ikoga'a. Peëke avei peha'arõ kuaa ha ani pene kangy, vokói eténte niko ou jevýta Nandejára Jesucrísto .

Che pehënguekuéra, ani peñomoí vaítei, ani haguã avei peë penembojovake yvápe. Pejesarekóke Tupä oporombojovakeha ára niko hi'aguíma hína. Che pehënguekuéra, pene mandu'áke umi maranduhára rehe oñe'ë va'ekue Tupä Nandejára rérape, ha'ekuéra heta mba'e ogueropu'aka va'ekue.

Tupä Nandejára Ñe'ë.

ALELUIA Is 61,1

Ñandejára espíritu oí che pype. Ha'e che mbou agueru haguã marandu pyahu mboriahukuérape.

EVANGELIO

KO'ÁGÄ ÑAHENDÚTA ÑANDEJÁRA JESUCRÍSTO REKOVE HA HEMIMBO'E SAN MATEO OMOMBE'U

HÁICHA. PEJAPYSAKA PORÁTAPA HESE. 11,2-11

Juan Bautista oíva upérõ kárselpe, ohendu umi mba'e Cristo ojapóva. Upémarõ omondo idisípulokuéra apytégui Jesús rendápe.

Ha'ekuéra oporandu chupe: – Nde piko hína pe Juan he'í vaekue outaha, téräpa roha'arõ va'erã ambuépe.

Jesús he'í chupekuéra: –Tapeho peje Juánpe ko'ã mba'e peë pehecháva ha pehendúva peína.

Pemombe'u chupe ohecha'yva ohecha jeyha, paralítico oguata porãha, lepróso okueraha, ohendu'yva ohendu jeyha, omanóva oikove jeyha ha imboriahúvape oñehendukaha marandu porã. Ha ovy'aiténe umi norrenegáiva che rehe che kuaa ríre.

Juan remimbo'ekuéra ohokuévo, Jesús oñepyrũ oñe'ë hese opavavépe, ha he'í:

– Peë pesë ramo guare peho desiértope, mba'e pehecha haguãpa peho ra'e. Pehechápa ra'e takuára yvytu ombovaváva. Nahániri. Maerã aipo ramo peho.

Pehópa pehecha peteĩ kuimba'e oñemonde jeguapávapa. Peë niko peikuaa porã umi oñemonde jeguáva oikoha mburuvicha guasukuéra rógapente. Amo ipahápe, mba'e aipo ramo pesë pehecha.

Peteĩ profétape, ajépa. Upéicha añete. Ha pejuhu peteĩ mba'e guasuvéva profétagui katu.

Juan rehe niko Nandejára Ñe'ëme he'í: “Che amondo che ñe'ë rerahaha ne renonderã, ombosako'í haguã ndéve nde raperã.”

Añetehápe ha'e peëme, ndaipóri yypórakuéra apytépe mba'e guasuvéva Juan Bautístagui. Opáichavo, pe michívéva Nandejára Rreino pe, upéva mba'e guasuve chugui.

Ñandejára Jesucrísto Ñe'ë.

JAJERUREÑANDEJÁRAPE–PETICIONES

ÑANDEJÁRA HESUKRÍSTO NINGO OÑEMOAIGUÍ ÑANDE HEGUI HA OU OIKO ÑANDE APYTÉPE, OHECHA HA OÑANDÚVO ÑANDE AVEI ÑAÑANDÚVA. JEROVIA PÓPEIKATU ÑAMOMBE'U ÑANDERÚPEÑAIKOTEVĒHAJAI POTÁVA.

R. ORE RENDUMI KENA ÑANDEJÁRA.

1. Jaípe'a haguã ñane korasõ ñande rapichápe. Ñamboja'o oñondive ha ñañopytyvõ haguã, ñañemongeta ha ñañembo'e oñondive ko Navida rapére jahávo. **Rojerure ndéve Ñandejára. R.**

2. Ñande Iglésia rehe. Ñande komunida, capillakuéra, parroquia, opavave ñande atýva ñañembo'e ha ñamongu'éva tembiapo oñondive. **Rojerure ndéve Ñandejára. R.**

3. Opavave ñañeha'ãve haguã ñamoporã ha ñañangareko ñande róga, ñande barrio, pueblo ha ciuda kuéra rehe. Jaiko porãve haguã oñondive. **Rojerure ndéve Ñandejára. R.**

4. Oikotevëva, hasýva, ha'eñóva, ñande agüelo ha agüelakuéra rehe. Ñapenave haguã hesekuéra ha ani oñemboýke ha okañy ñande hegui. **Rojerure ndéve Ñandejára. R.**

5. Ikatu ñambojoapy jajerureséva...

Ñandejára ore Ru, nde ra'y Hesukrísto ningo ou va'ekue ore apytépe ha ohasa va'ekue avei umi mba'e ore rohasáva. Upéva, ore ha'éva avei nde ra'y ha nde rajy, rojerure ndéve ko'ã mba'e roha'arõgui nde hegui opa mba'e porã. Nde ra'y Hesukrísto rupive toguahẽ ndéve ore ñembo'e. Amén.

ORACIÓN SOBRE LAS OFRENDAS

Ore Ru, ore pytyvõkena rome'ẽ haguã ndéve ko kuave'ẽmby ha'éva ore rekovete voi, ikatu haguãicha rojapo hekopete pe nde voi rejapoukáva oreve ha rohupytya haguã ñepysyrõ. Ñandejára Hesukrísto rupive.

PREFACIO III DE ADVIENTO.

V. Ñandejára toĩ penendive

R. Ha nendive avei.

V. Namopu'ãkena ñape ánga

R. Romopu'ãma voi Ñandejára gotyo.

V. Jaaguyjeveme'ẽ Tupã Ñandejárape.

R. Iporã ha tekotevẽ.

Añeteku iporã roaguyjeveme'ẽ ndéve, ha tekotevẽ ropurahéi nde rérape purahéi ne momarangatu ha ne momba'eguasúva, Tupã ore Ru nde pu'akapáva, ha nde hegui oñepyrũ ha oguahéva hu'ãme opa mba'e.

Nde remokañyse va'ekue ore heguiaraka'etépa Hesukrísto, nde Ra'y, oguerekóva ipoguýpe ore rekove ha ore rembiasakue, ojechaukáta arai ári pokatu ha mimbipápe.

Upe ára guasute ha hechapyrãvape, iñambuéta arapy ko'ágagua ha oñepyrũta yvy ha umi yvága pyahu.

Upérõ, Ñandejára Hesukrísto ojehechaukáta heko mimbipápe ha'ete voi oúva hina ko'ága ñane rendápe opavave yypóra ha opa mba'e oikóvape, ikatu haguãicha, jaguero hory chupe jeroviápe ha jahechauka ñane rembiapo porã rupi ñaha'arõha vy'ápe imborayhu sãmbyhy.

Upéva rehe, roha'arõvo ijeju je'y, joajúpe umi ánhel ha opa imarangatúmava ndive ropurahéi ne ñemomba'eguasú: Imarangatu, Imarangatu, Imarangatu Ñandejára, Tupã opa mba'e Jára.

Henyhẽ yvy ha yvága nde rekove mimbipágui. Osánna yvágape. Jehovasapyre pe oúva Tupã Ñandejára rérape. Osánna yvágape.

ORACIÓN DESPUÉS DE LA COMUNIÓN

Ñandejára ore Ru, ore poriahuverekomíkena, ikatu haguãicha ko tembi'u marangatu pu'aka, ore pe'ávo opaichagua angaipágui, ore mbosako'i roguero horykuua haguã nde Ra'y jeju yypóraramo.

Ha'e oikovéva ha ipu'akapáva yma, ko'ágã ha opa aráite.

JAHAKUÉVO - DESPEDIDA.

Jahakuévo jaraha ñande py'ápe ko esperansa Ñandejára oguahẽtaha ñande apytépe. Outaha ombopyahu ñande rekove. Nañanderejái ñane ño ha ou ñane moirũ.

Ñande avei ñamoirũ ñande rapichakuérape, jaguata ha ñamba'apo py'a porãme oñondive.

Py'aguapy ha vy'a toho ñane ndive, ñande rógape, jajotopa jey peve.



0981 615 628



@misaguarani



misaguaranipy@gmail.com



Misa
Guarañi

CON EL AVAL DE:



Conferencia
Episcopal Paraguaya